



# श्री हनुमान चालीसा Shri Hanuman Chalisa

## दोहा

श्रीगुरु चरन सरोज रज, निज मनु मुकुरु सुधारि।  
बरनउँ रघुबर बिमल जसु, जो दायकु फल चारि ॥  
बुद्धिहीन तनु जानिके, सुमिरीं पवन कुमार।  
बल बुधि विद्या देहु मोहि, हरहु कलेश विकार ॥

## चौपाई

जय हनुमान ज्ञान गुन सागर।  
जय कपीस तिहुं लोक उजागर॥१॥  
रामदूत अतुलित बल धामा।  
अंजनिपुत्र पवनसुत नामा॥२॥  
महावीर विक्रम बजरंगी।  
कुमति निवार सुमति के संगी॥३॥  
कंचन बरन विराज सुबेसा।  
कानन कुंडल कुँचित केसा॥४॥  
हाथ वज्र और ध्वजा विराजे।  
काँधे मूँज जनेऊ साजे॥५॥  
शंकर सुवन केसरीनंदन।  
तेज प्रताप महा जग बन्दन॥६॥  
विद्यावान गुनी अति चातुर।  
राम काज करिबे को आतुर॥७॥  
प्रभु चरित्र सुनिबे को रसिया।  
राम लखन सीता मन बसिया॥८॥  
सूक्ष्म रूप धरि सियहि दिखावा।  
विकट रूप धरि लंक जरावा॥९॥  
भीम रूप धरि असुर सँहारे।  
रामचंद्र के काज सवारे॥१०॥

लाय सजीवन लखन जियाये।  
श्रीरघुवीर हरषि उर लाए॥११॥

रघुपति कीन्ही बहुत बड़ाई।  
तुम मम प्रिय भरतहि सम भाई॥१२॥  
सहस बदन तुम्हरो जस गावैं।  
अस कहि श्रीपति कंठ लगावैं॥१३॥  
सनकादिक ब्रह्मादि मुनीसा।  
नारद सारद सहित अहीसा॥१४॥  
जम कुबेर दिगपाल जहाँ ते।  
कबि कोबिद कहि सके कहां ते॥१५॥  
तुम उपकार सुग्रीवहि कीन्हा।  
राम मिलाय राज पद दीन्हा॥१६॥  
तुम्हरो मंत्र विभीषण माना।  
लंकेश्वर भए सब जग जाना॥१७॥  
जुग सहस्र जोजन पर भानू।  
लिल्यो ताहि मधुर फल जानू॥१८॥  
प्रभु मुद्रिका मेलि मुख माही।  
जलधि लाँघि गए अचरज नाही॥१९॥  
दुर्गम काज जगत के जेते।  
सुगम अनुग्रह तुम्हरे तेते॥२०॥  
राम दुआरे तुम रखवारे।  
होत ना आज्ञा बिनु पैसारे॥२१॥  
सब सुख लहैं तुम्हारी सरना।  
तुम रक्षक काहु को डरना॥२२॥  
आपन तेज सम्हारो आपै।  
तीनों लोक हाँक तै कापै॥२३॥



## श्री हनुमान चालीसा Shri Hanuman Chalisa

भूत पिसाच निकट नहि आवै।  
महाबीर जब नाम सुनावै॥२४॥  
नासै रोग हरै सब पीरा।  
जपत निरंतर हनुमत बीरा॥२५॥  
संकट तै हनुमान छुडावै।  
मन क्रम वचन ध्यान जो लावै॥२६॥  
सब पर राम तपस्वी राजा।  
तिनके काज सकल तुम साजा॥२७॥  
और मनोरथ जो कोई लावै।  
सोई अमित जीवन फल पावै॥२८॥  
चारों जुग परताप तुम्हारा।  
है परसिद्ध जगत उजियारा॥२९॥  
साधु-संत के तुम रखवारे।  
असुर निकंदन राम दुलारे॥३०॥  
अष्ट सिद्धि नौ निधि के दाता।  
अस बर दीन जानकी माता॥३१॥  
राम रसायन तुम्हरे पासा।  
सदा रहो रघुपति के दासा॥३२॥  
तुम्हरे भजन राम को पावै।  
जनम-जनम के दुख बिसरावै॥३३॥  
अंतकाल रघुबर पुर जाई।  
जहाँ जन्म हरिभक्त कहाई॥३४॥  
और देवता चित्त ना धरई।  
हनुमत सेई सर्व सुख करई॥३५॥  
संकट कटै मिटै सब पीरा।  
जो सुमिरै हनुमत बलबीरा॥३६॥  
जै जै जै हनुमान गोसाईं।  
कृपा करहु गुरु देव की नाई॥३७॥

जो सत बार पाठ कर कोई।  
छूटहि बंदि महा सुख होई॥३८॥  
जो यह पढ़ै हनुमान चालीसा।  
होय सिद्धि साखी गौरीसा॥३९॥  
तुलसीदास सदा हरि चेरा।  
कीजै नाथ हृदय मंह डेरा॥४०॥ (x2)

### दोहा

पवन तनय संकट हरन,  
मंगल मूर्ति रूप।  
राम लखन सीता सहित,  
हृदय बसहु सुर भूप॥  
सियावर रामचंद्र की जय।  
बोलो बजरंग बली की जय॥